
РИШТОНДА ТУРКИЙ ХАЛҚЛАР ҲУНАРМАНДЧИЛИГИ ФОРУМИ ДОИРАСИДА “КУЛОЛЛАР САЙЛИ” МИЛЛИЙ КУЛОЛЧИЛИК МАҲСУЛОТЛАРИ КЎРГАЗМА-САВДОСИ ТАШКИЛ ЭТИЛДИ

Риштондаги Бурҳониддин ал-Марғилоний ар-Рошидоний номли истироҳат боғида “Кулоллар сайли” миллий кулолчилик маҳсулотлари кўргазма-савдосининг очилиш маросими бўлиб ўтди.

Фарғона вилояти ҳокимлиги, Республика “Ҳунарманд” уюшмаси ҳамда Маданият ва туризм вазирлиги кўмагида 12-14-май кунлари вилоятимизда ташкил этилаётган анъанавий Туркий халқлар ҳунармандчилиги Форуми доирасида ўтган тадбирга Республикамиз вилоятлари ва Қорақалпоғистон кулолчилик мактабларининг вакиллари бўлган уста кулоллар жалб этилди.

Очилиш маросимида Республика “Ҳунарманд” уюшмаси раиси Улуғбек Абдуллаев, вилоят ҳокимининг ўринбсари Хуршиджон Аҳмедов, Риштон тумани ҳокими Суфҳонжон Солиев, хорижлик меҳмонлар, соҳа мутахассислари ва кенг жамоатчилик вакиллари қатнашди.

Тадбир очилиш маросимида Давлатимиз раҳбари томонидан юртимизда қадимий ва бой анъаналарга эга ҳунармандчилик соҳасини ривожлантиришга алоҳида эътибор қаратилаётгани қайд этилди.

“Кулоллар сайли” дастлаб 2021 йилда Тошкент шаҳрида ташкил этилган бўлса, бу йил иккинчи маротаба Риштон туманида бўлиб ўтаётганига эътибор қаратишди. Риштон - қадимдан Марказий Осиёдаги сирланган сопол буюмлар маркази ҳисобланиши, риштонлик кулоллар томонидан тайёрланган маҳсулотлар ўзининг дизайни, табиий ранги ва қалампир нусхали нақшларга бойлиги билан ажралиб туриши, ўзига хос Риштон кулоллар мактаби мавжудлиги “Кулоллар сайли”ни мазкур ҳудудда ташкил этилишида муҳим аҳамият касб этаётгани таъкидланди.

Тадбир давомида санъаткорлар иштирокидаги концерт дастури, миллий қўшиқ ва рақслар йиғилганларга кўтаринки кайфият бағишлади.

“Кулоллар сайли” миллий кулолчилик маҳсулотлари кўргазма-савдоси очиқ деб эълон қилиниб, меҳмонлар Ўзбекистоннинг турли ҳудудларига хос бўлган кулолчилик маҳсулотлари билан танишиш ва харид қилиш имкониятига эга бўлишди.

Маҳорат дарслари ўтказилиб, унда кулолчилик маҳсулотларини яшаш ва уларга нақш бериш жараёнлари амалга оширилди.

Туркий халқлар ҳунармандчилиги Форуми доирасидаги қизиқарли тадбирлар эртага ҳам давом этади. Хусусан, “Халқаро кулоллар маркази” фаолияти билан танишиш, “Риштон кулолчилиги: Кеча, бугун, эртага” номли халқаро илмий-амалий конференция ўтказилиши режалаштирилган.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-05-13 10:34:51